



SULEQATIGIISITSISUT
SAMARBEJDSPARTIET

UKA2019/7

Tillie Martinussen

Siullermeerneqarnera.

2020-mut Aningaasanut inatsisissatut siunnersuut.

(Aningaasaqarnermut Naalakkersuisoq)

Inuussutissarsiutinut tapiissutit ikinnerusut - sumi iluaqutaassaava - Namminersortunngorsaaneq siunertaqartoq

Siullermik Nalaakkersuisoq oqariartuutsit nutaat pillugit nersualaassavaput. Isumaqaatigilluinnarparput inuussutissarsiutit tapiiffiqineqarnissamik annikinnerungaartumik isumalluuteqartarnissaat suliniutigineqartariaqarpoq. Tamanna isumatusaarneruvoq Tulliutillugu Danmarkimi naalagaafiik Naalakkersuisullu inuussutissarsiutit iminnut nappassinnaanissaat siunertaralugu inuussutissarsiortit nutaat pillugit suleqatigiinnerat isumaqatigaarput. Pisortat taamatut amerlatigisunik sullisarkerisa iliuuseqarfigineqarnissaannik pisariaqatitsivugut. akerlianik ilisimavarput unammilleqatigiivinnermi pisortat ingerlataat namminersortunit ingerlatsilersinneqarnerat ajornakusoorsinnaasoq. ajornartorsiutaanerusut tassapput pisortat kisermaassillutik ingerlatsinerat piviusut isigissagaanni namminersortut kisermaassinerannik taarseernejartussaasoq, niuerfigut taamatut mikitiginerat pissutigalugu. Taamaammat unammilleqatigiiffiuvittumik niuerfeqarlernissaq ajornartorsiutaavoq, tassami suliffeqarfiit Namminersortutik Oqartussanit pigineqartut tamakkununnga atortarpagut, tamassumalu inuussutissarsiortunut, innuttaasunut immitsinnullu paasitinneqarnissaa pingaaruteqarpoq. Taamaakkaluartoq namminersortunngorsaannissamut periusissiaq ilusilersorniartariaqarparput, taannalu tamakkiisumik namminersortunngorsaannissamut allatut iliuusissamik imaqarsinnaavoq, kisiannili kisermaassilluni ingerlatsineramik eqqarsartariaaseqarnermik nappassinnaasatsinnik annertuumik annaasaqarnermik kinguneqarajuttartuumik iliuuseqarfiusariaqarluni.

Ersinngitsumik akileraarutit – Aqqissuusseqqinnissamik maannakut pisariaqartitsisoqarpoq

Isertitaqarnerpaat akileraarnerpaajusareerput, taamaattoqarneralu puigortarparput, Suleqatigiissitsisullu tamanna "ersinngitsumik akileraarutit" taaguuserpaat. Ilaqutariit pingasunik meerallit inoqutigii akunnattumik isertitalit qaammammat 7.500-niit 9..000-inu aningaasartuuteqartaput, angajoqqaat sulisinnaaniassammata meeqqat paarineqaannarnissaannut. Tapiissuteqanngilaq, ikiorsiissuteqanngilaq. Tamassuma saniatigut perorsaasutut meeqqanilluunniit paarsinermi ikiortitit ilinniarsimangitsut pikkorissarluarsimasut amerlavallaarput. Tamanna iliuuseqarfigisariaqarparput. Inuit paarsisoqarnermut isertitaannut sanilliullugu namminneq akiliutigisartagaat qiviarutsigit, tamanna ersinngitsumik akileraarnermik taassallugu naleqquttorujussuvoq. Ilaqutariit namminneq meeqperivinnut akiliuteqartut, ineqarnermut tapiffiqineqarneq ajortut namminnerlu pigisaminnik ineqarusut – eqqortumik iliuuseqarnertik pillugu pillarneqartariqanngillat. Ilaqutariinnut meerartalinnut allanut sinaakkusiilluaqataapput, inuiaqatigiinni maligassiuissuupput innuttaalluartaullutillu atugarissaarnittalu ilarujussua akileraarutaannik tungaveqarpoq.

ilaqutariit annikitsunik isertitalit annertusiartortarnerat tunngavigalugu annertunerusunik ilanngaateqartarput. Tamanna iluaqutaasutut taaneqarluarsinnaavoq. Tamannalu ajunngilaq, tamanulli piuminarnerusumik ersarissumillu periuseqarnissaq pitsaanerungaassaaq. Periuseq pitsaasumik tunngaviusumik siusinaartumik soraarnerussutisiaqalernissamik isumaginniffiusoq, pisortallu ikiorsiissuteqartarnerat ataqqinartumik inuuneqalersitsisoq, aammali sulisinnaasunut suliffiqequeqarnissamik kajumilersitsisoq. Tassami ilaqutareeqarpoq pisortanit ikiorsiissutinik pisartagalinnik suliffeqarnissamik



**SULEQATIGIISITSISUT
SAMARBEJDSPARTIET**

kissaateqarunik suliffeqalersinnaanngitsunik. Paaqqinnittarfinni akeqanngitsumik inissaqartarput imaluunniit inissanut taakkununga annikitsuararsuarmik akiliisarlutik. Immaqa inissiamut tapiiffigineqartarput assigiinngitsunillu tapiiffigineqartarlutik, tamassumalu kinguneraa ilaatigut pequtinik nutaanik, meeqqanut atisanik pitsaasunik il.il. pisisinnaanerat. Nalinginnaasumik akissarsiaqarlerunik taakkuninnga arsaarneqassapput sulilinginnerminnullu sanillugu aningaasanik annikinnerusunik atugassaqaalissallutik.

Sulineq imminut akilersinnaanngivissaaq. Assersuutigalugu perorsaasut, ilinniartitsisut meeqqanik paarsinermi ikiortit allatulluunniit annikippallaamik akissarsiallit inuiaqatigiinnut pingaaruteqartorujussuupput.

ilaqutariit ataataq perorsaasuusooq, anaanaq SIK malillugu akissarsialik aningaasaqarnermi annertooujussuarmik ajornartorsiuleratik assersuutigalugu Nuummi najugaqarsinnaanngillat. Inissiat, interneti paaqqinnittarfinni inissat akisuallaarujussuupput aserfallatsaaliernerallu ajorluni. Meeqqamut innarluutilimmut immikkulluunniit pisariaqartitsisumut pissutsit ajorluinnartunngussapput. Pissusivinnit allanit assersuutissaqarpoq: Ilaqutarinni ataataq avinnikoq angerlarsimaffeeruppoq tulliuullugu suliffini annaallugu, pitsaasumik inissiami ineqarnissamut akissaqannginnini pissutigalugu, ikiorsiisarnitsinnilu inissianik akilerneqarsinnaasunik naammatunik peqanngilagut, nalinginaasumik inuuneqalersinniarlugit atugarissaarnermut tapiissuteqanngilaq siunnersuisoqartaranilu. Tamanna ajorluinnarpoq.

Aaqqissuusseqqinneq, Aaqqissuusseqqinneq, Aaqqissuusseqqinneq – ilisimasat tunngavigalugit Aaqqissuusseqqinneq, piffissamut sivisuumut pilersaarutit

Aaqqissuusseqqinnissamik pisariaqartitsivugut, ikiorsiissuteqartarnermi akileraartarnermilu, piffissamut sivisuumut, periusissiornermi assersuutigalugu kigutitigut peqqissunermi, paaqqinnittarfimmu inissiani atugarissaarnermi ikiorsiissutini naligiinnginnerit naligiilersinnissaannik siunertaqarfiusut suliffeqalernissamullu ilinniagaqalernissamik qulakkeerittut, naleqquttunik paasinartunillu atugassaqartitsiviusut. Taamaalluni patajaatsunik, suliuartussanik naatsorsuutigineqarsinnaasunillu sulisoqalissaagut pisortallu ikiorsiissutaasa annikinnerulernissaat qulakkiissallutigu. Sulineq akilersinnaasariaqarpoq, saniatigulli ajornartorsiuteqarpugut ukiorparpassuarni ilisimasagut pitsaasumik inissaqartitsisumillu suliffeqartitsinissaq iluatsissappat iliuseqarfisariaqakkatsinnik. Tamaasumani eqqarsaatigilluakkamik piffissamilu sivisuumi atorneqarsinnaasumik aaqqissuusseqqinnissq pisariaqarpoq.

Tamassumunnga aningaasaliigitsit, aningaasaliineruvoq naggataatigut imminut akilertussaaq. Inissiaatit, ilinniartitsinerit pitsanngorsarnissaannut kommunillu tassani suliassaannik ersarissumik pilersaarusiornissaq isumagisiuk. Marloqiusamik allaffissorneq atorunnaarsissiuk, inatsisit ajoqusiisut suunersut paasiniarsigit.

Ineqarmut tapissiisut pisariaqartitsiviuvissunut atoneqarnissaat isumagisiuk aamma suliassanik suliarinnittartunut kommunillu siunersuisarfeqarnissaa isumagisiuk. Piginnaasat suut immikkoortuni pingaaruteqartuni piginnaasaqarfiulluarsinnaasut suullu innuttaasut qanillugit suliarineqarnissaannik pisariaqartitsiviusut pillugit kommunit suleqatigisigit.

Pisortat ikiorseeriaasiisa akileraaruseeriaatsip aqunneqarnerisa ajorannginnerulersissigit, innuttaasunut paasiuminarnerulersissigit ersinngitsumillu akileraarutit saqqummersissigit.

Qularutissaanngilaq Suleqatigiissitsisut ersoqatigiinnissamik illersuisuusut, kisiannili sulisinnaasut suliumasullu pissarsiaqaatigisinnaasaannik periuseqassaagut.

ingerlatsinerit aningaasarsiat piujuartumik qaffanneqarfiannut nuunerisigit sipaarniuteqarneq qulakkeerlugu aningaasarsiat qaffannissaat isumagisiuk, soraarnerussutisiaqartarnermut malittarisassat



SULEQATIGIISITSISUT
SULIPIQ-IPARTUT

malinnaanissaat isumagisiuk, inatsisinik aqqissuusseqqinnissaq isumagisiuk, taamaalillunni akilersinnaalerniassammat Inuussutissarsiortut, økonomit, Aningaaqarnermut Siunnersuisoqatigiit inassuteqaataat tamassumunnga peqataatissigilannusigillu, pisariaqassappallu ullikkumut allanngutit kiisalu Akileraartarnermut Atugarissaarnermullu Ataatsimiititaliarsuarmit maannakkut ilisimasaat nalilersornissaanut Akileraartarnermut Atugarissaarnermullu Ataatsimiititaliarsummumt assingusumik suligasuartussamik suleqatigiissitamik pilersitsigitsi, taannalu malitassatsinnik inassuteqaateqassaaq.

Siunissami atugarissaarnermullu qulakkeerniarlugu imminut atasumik, periuissiornermi, piffissamut sivsuumut aqqissuusseqqigitsi.

Siusissumik pilersaaruserisitsi, taamaalillugu pissutsit pitsaaneruserit atuutilersinneqarnissaat qulakkeerniassagatsigu, taakkulu annertuunut atorussanngortissigilannusigillu, taamaalilluta tamassuma kingorna inatsiserpasuumut eqqarsaatigilluugaangitsunik imaqtartunik allanngutitsiniarluta aalajangiinniginiassagatta.

Piffissamik atuutilersitsiveqarnissaa piffissamillu nalilersuiveqarnissaq isumagisiuk, tamassumali kingorna allannguutaasinnaasut iluarsissutaasinnaasullu ajornanngitsuunissaat, erseqqarissuunissaat Allaffissornerup paasiuminartuunissaa annikillissinnissaalu malittarisassallu innuttaasunit paasiuminartunngortinnissaat siunertarlugu imminut atasumik aqqissuusseqqinneq naggataatigut angusassaasariaqarpoq..

Soraarnerussutisiaqartarnermi ajornartorsiuutit piffissamullu sivisuumut pilersaarutit

Maannakkorpiatq periuseqarpugut inuusuttut ilinniagaqarnissaannik qinnuigisarlugit, taamaalioraangatalu suliffeqarfanni pisortanit pigineqarneruserit allanngorarfuserit sulilersarpagut , tassani suliniuteqarnermini aningaasatigut pillarneqartarlutik. Tamassuma saniatigut soraarnerussutisiaqalernissamut aningaasaateqarfinnik aamma nunatsinnut pittugaasunik toqqagaqarnissaannik pinngitsaalisarpagut, inuit namminneq toqqaasinnagit.

Sooq missingersuutit, pissarsianik atuinermit Meeqqat Atuarfianni ilinniartinneq ajorpagut siunissarissaarnermullu toqqaanissamut atugassarissaatillugit sulinissaat qulakkeerlugu? Sooq tamassumunnga taarsiullugu toqqaalluarnissaannik nammieernerulerunissaallu qulakkeerniarlugu ilinniartinneq ajorpagut?

soraarnerussutisiaqarnermut malittarisassat atuutilersikkaangatsigit piffissaq sioqqulluarlugu taamaalioratassagut. Tassaangaangaq aqqiissuteqaqataaginnassanngilagut atugassaritinnearlutullu allanngutillugit. Tamassumali kingorna inatsisit naammassivinneqarnikuunngitsut iluarsaanniarlugit inatsisit malittaritinneqartut atuutilersittarlutigit.


Pinngitsoorani soraarnerussutisiaqalernissamut akiligassat akiligassanngoraangata innuttaasut tupattut sulilu akiitsoqarnerulersut qanoq amerlatigippat?

Soraarnerussutisianik pinngitsoorani ileqqaanissaq pillugu nassuiaatit paasineqarsinnaasut atorlugit pissarsiarineqarsinnaasumillu siunnersuisoqarfeqartillugu innuttaasunut allagaqartoqarnikuua?

Periusitoqqamiit nutaamut ikaarsaariarnissamut naleqquttumik piffissaqartitsinissaq qulakkeerneqarnikuua? Ataatsimiinermi uani llanngaassiveqalissaagut, periutsimut piffissamik pitsaanerungaartumik atuutilersitsiviusinnaasariaqartumut aningaasanik akiliisitsiniaannarluta? Innuttaasunut inatsisiliornissarput pingaaruteqarpoq aamma allannguutit annertoqisut akuerineqartilerniarlugit siunnersuinissamik malitseqartitsinissarput piffissaqartitsinissarpullu pingaaruteqarpoq. Periuseq tamanna ilinniartariaqarparput.

Atuarfiit akuliuffiginagit, taarsiullugu tapersersorsigit

qularutissaanngilaq siunnersuutigineqartutut atuarfinnik pillaanissaq pisariaqartinneqanngitsoq. Aamma Suleqatigiissitsisut tupigusuutigaat inuusuttut amerlaneruserit ilinniagaqartilernissaannut



SULEQATIGIISITSISUT
NAALAKKERSUISUT

ajornartorsiuteqarneq inunnik isumaginninnerup ingerlalluanninnerisa kingunerigaa Naalakkersuisut paserpiarsinnaangimmassuk.

Imaappasippoq Inersuarmit maani amerlasuut paatsuullutik isumaqartut inuit inuttut atukkamikkut atugarliorunnaarsinniarlugit iliuuseqaqqullugit qinnuigiinnarneqarsinnaasut.

Soorunami taamaattoqanngilaq

taamaamat inunnik isumaginninnermik aaqqissuusseqqinnissamat sulisullu amerlinissaannut aningaasarpasuit immikkoortittariaqarpagut.

Ileqqoriliinnakkanik qaangiisunik ilisimatusartoqarli

Siornatigut oqaatigisarnikuuarput oqaatigeqqissavarpullu:

Nangitseqqiilluni ilisimatusarnermut, nalilersuinnerut pilersaarutit aaqqiinnerut periutsinullu atukkatsinnut aningaasanik immikkoortitsisoqarli. Inuiaqatigiini suliniuteqartut aggersarsigit; suliniaqatigiiffiit meeqqanik suliniuteqartut aallartissutaalluarsinnaapput.

Periutsitta qanoq naleqqussarnissaa suna pisariaqarnerseq oqallisiginiarlugu, sociologit, antropologit, psykologit ilisimatuullu atorsigit, taamaalilluta peruserput pitsaanerpaamik atornerqarniassamat.

Pisortat ingerlatsinerat sunniuteqartumik nalilersorsiuq, 24 timiit pillugit malittarisassap meeqqat pillugit suliani qanoq atuutilersinneqarsinnaanera paasiniarniarlugi kiisalu atorfillit pissaaneqarpallaanerat qanoq allannortinneqarsinnaanersooq paasiniarnissaannut sulisussarsigitsi, taamaalilluni meeqqap pillugit nalunaarutit pillugit 48 timiit iluanni iliuuseqarsinnaasoqalerniassamat.

Qaammammut akissarsivimmi inissiinissamik qanoq pisariaqartitsisoqartartigisarnersooq qulaajaavigisiuk, tamassumalu kingorna ilaqutariinnut iliuusissatut sukumiisumik pilersaarusiortoqartarluni, taamaalilluni inissiisarnarit siunissami pinngitsoortinneqartarniassammata.

Inissiinerit ajortuinnaangitsut nassuerutigisiuk, inuttut atukkani ajornartorsiutit imaangitsutut assigiinngiiaartorpassuusullu nassuerutigisiuk, tamannalu sillimaffiginiarlugu periutsumik pilersinissaq aallartitsigu.

Politiit peqqinnissaqarfiullu suliniutaat ataqatigiissarsigit, inunnullu agguaassassanik ilitsersuusioritsi, taamaalillutik namminneq pillutik sulianik malinnaasinnaaniassammata.

Meeqqat pillugit suliaqarneq sallinneqarnera aallartissutigisiuk, tamassumalu kingorna inuusuttut taakkulu ilaqutaat navianartumiittut, suliniutit annertussusiartortillugit suligitsi.

Naalakkersuisut nersualaarusuppagut siunnersuisarneq annertusiniarlugu suleqatigiissitaqartarnermik eqqarsaat atulernikummassuk, alloriarneruvoq siulleq pitsaasoq. Tamassuma kingorna pitsaaliuineq, siusissukut suliuniutit pitsanngorsassavagut, ileqqoriliinnakkanillu qaangiisut tusinterpassuit sammineri aallartillugu. Taakkunanga amerlasuut nutsinni najugaqarput sulillutillu, ilaallut Danmarkimi najugaqarlutik. Taakkunanga suna iluatsippa? Sooq suliffeqarpat, ilaqutariilluarpat, peqqinnittunik attaveqaqateqarpat il.il. Taakku amerlasoorpassuupput.

Qanoq ilillutik akiuussinnaassuseqalerpat inuttut atukkatigut kingornussat ajortunik suut qaangiititsippat? Tamakkulu malinnerulerniartigit.

KAIR-imut 1 milliardit amerlanerusut – Inatsisartut avaqqullugit piginnaasinnaatitsinerit annertusinnaannut naamik – politikerinut inissianut naamik

Nalakkersuisut namminneq malillugit mittarfinnut pingasunut aningaasatigut imminut akilersinnaasumik periuseqartoqarpoq. Taamaappammi taakkunanga amerlanerusunik aningaasaliisariaqartariaqanngilagut? KAIR-imut 1 milliard tikillugit amerlanerusut. Sooq aperivugut? Soorlu ersarissumik takusinnaagippat tuaviupilunneq ajornartorsiortitsilersarpoq, sulummi tamakkiisumik aningaasalerneqarnikuunngilaq. Imaluunniit?



SULEQATIGIISITSISUT
SAMARBEJDSPARTIET

Sooq innuttaasunut Inatsisartunullu paasisutissat amerlanerungaartut saqqummiunneqanngillat? Sooq aningaasat sumut atorneqarnersut paasiuminaatsuua. Sooq aningaasaliiuaannarnissaq pisariaqarpa? Suliniut ingerlaavartumik aaqqiivigineqartartoq pinnagu sooq pilersaarummik paasiuminartumik naammassisamik saqqummiivigineqanngilagut? Nunani sanilliuffigisartakkatsinni tamanna politikkerinut kinguneqassagaluarpoq.

Ingerlaavartumik suliamik ingerlatsisoqartoqarneratut isikkoqarpoq , tassani pilersaarutit allanngoqattaartinneqarlutik. Aamma imatut isikkoqarpoq politikerit maninneq taakkuninnga aalajangiisut suliami uani qanoq pisoqarpiarnersaq ilisimarpiannigikkaat.

Mittarfinnut aningaasat amerlanerusut? Nammineq peqatinit isornartorsiortunut aqqusinernut akiliutitut? Allanut? Inatsisartuni nalornisorujussuortoqangajalerpoq.

Aningaasat taakku aqqissuusseqqinnernut, atuarfinnut ilinniarfinnullu, kigutileriffinnut, peqqissaqarfimmut piginaanngorsarnermullu atorneqartariaqaralarput.

Naalakkersuisut aamma pineqartumi Inatsisartut avaqqullugit imminnut annertunerusumik piginnaatipput. Tamanna aqutigissanngilarput. Tamat oqartussaannerat atoriartigu.

Tamat oqartussaannerinik taamatut saneqqutsineq sooq pisariaqarpata, tamattami taperseerususseqarpugut siunnersuuteqarusullutalu? Tamasumunnga assersuusissatsialak tassaavoq Naalakkersuisut kisimik akiitsunik aqutsineq saniatigullu ingerlatsinermi aqqissuussinernik aalajangiinissamut periarfissaqarnerat, Inatsisartut Aningaasaqarnermut Ataatsimiititaliaat ilisimatinnagu. Inatsisartunut iisimatitsinissamik piunasaqaat ilanngunneqassaaq. Naalakkersuisut saniatigut aqqissuussinissamik eqqarsaateqareerpat?

Inatsisartunut ilaasortanut inissiat uani aamma ilaapput. Tassunga taarsiullugu attartortitsisartunut piffissamut siviisuumut isumaqatigiissuteqartoqarpat inissiarsuarluunniit assersuutigalugu Narsarsuarmi blokkit iluarsaanneqarpata, taamaalilluni aamma innuttaasunut iluaqutaaniassammat, aaqqiineq naapertuilluarnerussagaluarpoq. Nutaamilli sanaartornermi uani innuttaasunut inissianik sanaartornissatsinnit tassanngaannaq akikinnerulersitsisoqalersinnaava kiisalu Inatsisartunut ilaasortanut inissianik nutaanik oqoqanngitsunik sanaartortoqarsinnaava. Paasineqartariaqarpoq tamanna innuttaasut naapertuilluarnermik isumaqarnerannik innarliinerusoq, pingaartumik Nuummi. Inatsisartut soorunami pitsaasunik atugassaqarlutik sulisinnanissaat pingaaruteqarpoq. Kisianni innuttaasut pisussaaffigeqatiginerinik annertunerusumik inissivissat pillugit siunnersuusiunnartoqarsinnaanngilaq.

Angajoqqaarsiat aamma innarluutillit pillugit inatsimmik atuutilersitsineq, kommuninut Ataatsimut tapiissutit

angajoqqaarsianut aningaasanik amerlanerusnik immikkoortitsineq pitsaasuvoq, kisiannili immikkoortumik pitsaasumik imminnut atasumik inatsiseqatsiseqarnissaq amigaataavoq. Taamaattumik saqqummiisoqarnissaa pilersaarutaava?

Aamma innarluutillit pillugit inatsisip pitsaasumik atuutilersinneqarnissaa pillugu nalunaaruteqarnissaq amigaataavoq
peqatigiiffiit tusaaniassallugit suliassanillu suliarinnittartut allallu pisaasumik paasiuminartumillu sulisilernissaat pingaaruteqarput



SULEQATIGIISITSISUT
SAMARBEJDSPARTIET

Kommiunut Ataatsimut tapiissutit appartinneqartariaqangillat. Siorna oqaaseqartartutta saqqummiussaa innersuussutigissavarput: kommunit suliasaqarfiit amerlanerujartortut tiguaat; aningaasanilli ikinnerusunik pisarlutik.

Sumiiffippassuarni sulisunik eqqortunik pissarsinissaq inuttullu atukkani ajornartorsiutit qaangertinneqarnissaat, inissiat Namminersorlutik Oqartussanit tiguneqartut aserfallassimasut, meeqqanut inuusuttunullu eqqortumik ikiorsiinissaq kiisalu sulisut piginaasallit pikkorissartinniarlugit, tapersersuilluni oqaloqatiginnittarneq inatsisarpassuillu akuerisagut atuutilersinnissaannik ajornartorsiortoqarpoq. Sipaarutasinnaasunik allannguinerlut, piginnaanngorsarnernut imalluunnit soorlu aqqusinernut atuarfinnilu atortunut atorineqarsinnaasunik aningaasanik atorfissaqartitsipput.

Naalakkersuisulli nersorneqartariaqarput Tasiilami suliniuteqarnerup annertusinissaanut aningaasanik immikkoortitsimmata – nunatsinnili illoqarfipassuarni aamma pisariaqartisisoqarpoq

Suliniutinik ilisimatusarnissaq isumagisiuk, Tasiilarlu suliniutinik nutaanik pinngortitsiviuli. Atorsinnaappata nunatsinni iluaqutaasinnaatillugit atorineqarlik.

Atorfinni pitsaassutsit kinguaassiuutitigut innarliinerit sakkortumillu atorerluinerit unitsinnaviangilaat. Suliniutit allat pisariaqarput, kisiannili Nalagaaffeqatigiinnermi suleqatigiinneq Tasiilamilu suliniutit qanoq kinguneqassanersut takunissaat qilanaaraarput.

Suleqatigiissitsisunut uteqqissallugu pingaaruteqarpoq Danmarki meeqqatsinnut AKILISSANNGITSUT.

Uagut meeqqatsinnut akiliissaagut. Misilitakkat, ilisimasat, ilisimatusarnerit ilisimasallu sulisullu atorsinnaasagut tikilluaqqunaqaat. Inuiaqatigiinni suliniaqatigiiffinnik suleqateqarneq aamma tikilluaqqunaqaaq. Aamma suliniutinut aamma meeqqat inuusuttullu peroriartornissaannut kiisalu suliniutinut soorlu Nakuusernarnermut Taarsiissutissaq aamma politinik eqqartuussiveqarfimmillu pitsaaneruseqarissamut Nunanit Avannarlernit isumassarsiat aamma tikilluaqqunaqaat. Pingaartumik kinguaassiuutitigut innarliisunik katsorsaaneq pinaveersaartitsinerlu pyskiatrip pitsaanerulersup nangitseqqiinerut pineqarpata Maannamut takunikkuarput Naalakkersuisut pineqartumi pitsaasunik suliniuteqartut, uagutsinnit allanillu isumassarsiat pitsaasut atortaraat taakkulu pillugit pimoorullugu suleriuseqarlutik. Tamakku pillugit qujanaq.

Aamma tamatsinnut isumaqatigiissitsinissaq qilanaaraarput.

Meeqanik suliniuteqartut kattullutik peqataatinneqarnissaminnik oqariartuutaasa malinneqarnissaa kaammattuutigaarput.


Suleqatigiissitsisut inassuteqaataasa sinneri ataatsimut isigalugu ilisimavasi. Qasusuiluni oqaluttarfimmit uangaanit uteqattaarneqartarput.

Nunat tama ilissimatusarfissaat pilersaarutaasoq aamma Naatsorsueqqissaartarfiup periarfissaa annertusiat pillugit aamma nersualaarigut. Tamanna uagutsinnut tusarluarnaqaaq.

Naggasiullugu kaammattuutigissavaarput minnerpaamik akitsuuteqartitsisoqassasoq amerlanerusunillu ersinngitsunik akitsuuteqassanngitsooq aammalu avatangiisunik illersuilluni imminullu akilersinnaasumik akileraaruteqartoqassasoq. Pinngortitatsinnut ataatsimoorlugu qularnaatsunik sinaakkusiisa.

Isumaqatigiissutigaarput FN-ip nunarsuarmi anguniagai malinniarsarissagigut. Kisianni ilinniartitaanermik, meeqqat inuusuttullu atugaanni ikiorsiineq aallartissutigeriartigut aammalu atuisunit aqutsisunillu atorineqarsinnaasunik aaqqiissuussinernik pilersitseriarta

Piffissamut sivisuumut amelanernit peqtaaffigineqartunik pissusiviit pilersaarusernerillu tunngavigalugit isumaqatigiissutit.



**SULEQATIGIISITSISUT
SAMARBEJDSPARTIET**

Taava peqataasinnaavugut.
siunissami aannertunerusunik tapersiinissatsinnut qilanaarpugut.